

Ratus autem quod res erat, fore ut si huic faveret in Europam accerteretur, trajecit, & viam posteris stravit Europam divexandi. Sub finem vitæ infelicitè cum Tartaris decertans occubuit, postquam regnasset annos unum & triginta. Huic successit Filius *Amurathes*, egregius simulandi & dissimulandi artifex, robore animi, laborum tolerantia, disciplina rei militatis Majoribus haud inferior. Hic contentiones illas, de quibus dictum est, inter Græcos dissimulando fovit: quibus bello fessis & exhaustis, Genuensium navibus conductitijs usus (hominum perfidiam & avaritiam vide) ex Asia in Thraciam superato Hellesponto trajecit. Anno c10ccclxiii, *Callipolim* in Chersoneso sitam occupavit, quam magna statim Thraciæ pars sequuta est. Postea devicit *Myssiam*, *Bessos*, *Triballos*. Denique quum expugnata *Adrianopoli* Serviciæ Bulgariæque inhiaret, a Servio Lazari *Serviciæ* Despotæ olim Cliente quæ in prælio ceperat, pugione confossus, periit. Liberos reliquit *Solimanum* & *Baiazetem*: *Baiazetes* Fratrem interempto rerum potitus, Thraciam omnem vincere instituit. Vir erat ingenio acri, & maximarum rerum cupido: in rebusque capeflendis audax, in administrandis solers, in laboribus perferendis indefessus, in occasionibus prospiciendis acutus & sagax, in exsequendis constans. Igitur Thracia omni superata, animum ad Constantinopolim adjecerat: sed primum Thessaliam, Macedoniam, Phocidem, Atticam occupare visum est, *Myssios* quoque (qui hodie Servij) *Illyricos* (qui Bosnenses) & *Triballorum* (qui Bulgari dicuntur) partem reliquam Principe Bulgariæ interfecto subegit. Jamque Constantinopolim totos annos octo obsederat, quum Hungarorum Gallorumque (quos Imperator eo nomine in Italiam protectus accersiverat) adventantium copias reformidans, relicta obsidione, ad Nicopolim ijs occurrit: Congressus victor evasit caelis captisque magna ex parte Gallorum Ducibus. Quo rerum successu elatus *Baiazetes* rursus Constantinopolim contendit, eamque biennij obsidione fatigavit. jamque actum erat de obsessis, nisi *Tamerlanes* magnus Tartarorum Cham igni & ferro Asiam totam depopulari, urbes vastare, prædas agere instituisset, cujus ille subito terrore evocatus, in Galathiæ & Bithyniæ finibus aciem instruxit. Pugnatum est acriter in multam noctem. At *Baiazetes* impar viribus superatur, & captus aureisque compedibus vinctus in cavea per Asiam traductus est. Tandem dimissus in Asia inglorius paullo post diem obiit, postquam regnasset annos xlii, menses vi. Filios reliquit *Calapinum*, *Moysem*, *Mahumetum*, & *Mustapham*. *Calapinus* subito extinctus est: Filius ejus *Orchanes* a Moyse patruo interemptus, ipse etiam *Moyse* a Fratre *Mahumeto*. Hic *Valachiam*, *Macedoniamque* omnem devicit, signaque Turcica ad Ionium usque pelagus promovit: regiam constituit *Adrianopoli*, & postquam imperasset annos xvii è vita excessit, anno Domini c10cccccxi. Hinc *Amurathes* secundus Imperium adeptus est. Hic Genuensium ope in Thraciam delatus Patruum suum *Mustapham*, cui Græci magis favebant, bello vicit. *Thessalonicam* urbem antiquam, & tum temporis amplitudine, amœnitate, opibus, situque illustrem, quæ tunc Venetis tenebatur, evertit, *Cyprum*, *Epirum*, *Ætoliam* subegit. Quumque intelligeret rebus suis stabiliendis, Christianorum vero debilitandis magnopere sibi *Georgij* Despotæ Serviciæ